



ქალაქ თბილისის მუნიციპალიტეტის მე-7 მოწვევის
საკრებულოს წევრი

ანა გოგოლაძე

2022 წლის საქმიანობის ანგარიში



ინიციატივა შშმ პირებისათვის უფასო და შელავათიანი მგზავრობის შესახებ

- 19 აპრილს დავარეგისტრირე ინიციატივა შეზღუდული შესაძლებლობების მქონე პირებისათვის მუნიციპალურ ტრანსპორტში უფასო და შელავათიანი მგზავრობის უფლების მინიჭების შესახებ;
- ამავე დღეს ჩავატარე ბრიფინგი, შევხვდი მედიის წარმომადგენლებს, გავუზიარე შელავათიანი მგზავრობით მოსარგებლე არსებული ჯგუფების არარელევანტური სია, განვიხილეთ საკითხის საჭიროება.



მოსკოვის გამზირისათვის სახელის გადარქმევის ინიციატივა



- 22 თებერვალს, თბილისის საკრებულოში წარვადგინე ფრაქცია „ერთიანი ნაციონალური მოძრაობის“ ინიციატივა, რომლის მიხედვითაც **„მოსკოვის გამზირს“** უნდა გადაერქვას სახელი და ეწოდოს უკრაინის დედაქალაქის, „კიევის გამზირი“;
- 14 მარტს შევადგინე ონლაინ პეტიცია აღნიშნული ინიციატივის მხარდასაჭერად – პეტიციამ მოაგროვა 5500 მოქალაქის ხელმოწერა.



მოქალაქეთა მომართვიანობა და ქუჩების მოწესრიგება

- 20 ივნისს მომმართა დიდუბის რაიონში მცხოვრმა მოქალაქემ, შემატყობინა ქუჩებში არსებული ანტისანიტარული პირობების შესახებ და მთხოვა პასუხისმგებელ პირებთან შუამდგომლობა;
- 22 ივნისს პრობლემასთან დაკავშირებით შევხვდი დიდუბის რაიონის გამგებელს;
- 23 ივნისს მოირეცხა ქუჩები; დაიდგა ახალი, გაზრდილი რაოდენობის ნაგვის ურნები; თბილისერვის ჯგუფი შეგვპირდა, რომ კვირაში ერთხელ ტერიტორია მოირეცხება.



ბრიფინგი საგზაო ინფრასტრუქტურის უსაფრთხოებასთან დაკავშირებით

- 11 აპრილს ჩავატარე ბრიფინგი ვაჟა-ფშაველას გამზირზე წაქცეულ ავტობუსის გაჩერებასთან დაკავშირებით - წამოვაყენე მოთხოვნა თბილისის მერიის მიმართ, დაუყოვნებლივ დაეწყოთ თბილისის მასშტაბით დამონტაჟებული ავტობუსების მოსაცდელის შემოწმება;

- აღნიშნულ საკითხებზე მოკვლევა გავაგრძელე ტრანსპორტისა და ურბანული განვითარების სააგენტოსთან ოფიციალური კორესპონდენციის სახით;



მეტრო სადგურ „გოცირიძის“ რეაბილიტაციის საკითხი

- 26 აგვისტოს მოვინახულე გოცირიძის მეტრო სადგური, სადაც სარეაბილიტაციო სამუშაოები ორ წელზე მედია მიმდინარეობს;
- გავმართე ბრიფინგი და მედიის წარმომადგენლებს და ადგილობრივ მაცხოვრებლებს გავუზიარე საქმის დეტალები;
- მოვუწოდე თბილისის მერიას სამუშაოების უმოკლეს პერიოდში დამთავრება.



ბრიფინგი პარკირების გაზრდილ ჯარიმებთან დაკავშირებით

- 8 სექტემბერს გავმართე ბრიფინგი პარკირების გაზრდილ ჯარიმებთან დაკავშირებით;
- თბილისში არსებულ მოთხოვნას არ პასუხობს სატრანსპორტო პოლიტიკა;
- თბილისის მერიას მოვუწოდე გაზრდილი ჯარიმების ამოქმედების თარიღის გადავადება, საპარკინგო სივრცეების დამატება და სამშენებლო რეგულაციებში ცვლილების შეტანა.



თეთრი ხელჯოხის დღე და უსინათლო და მცირემხედველ პირთა საკითები



- 13 ოქტომბერს თეთრი ხელჯოხის კვირეულის ფარგლებში გავმართე ბრიფინგი უსინათლო პირებთან ერთად;
- მოვითხოვე ავტობუსებში გახმვოანების სისტემის ამუშავება და ინფრასტრუქტურის ადაპტირება, რაც ძალიან მნიშვნელოვანია უსინათლო და მცირემხედველი პირების გადაადგილებისთვის.



ჭავჭავაძის გამზირზე დაზიანებული ხმოვანი შუქნიშნები

- თბილისის უსინათლო მაცხოვრებლის მომართვის საფუძველზე, მასთან ერთად მოვინახულე ჭავჭავაძის გამზირზე განლაგებული ხმოვანი შუქნიშნები, რომლებიც დაზიანებულია და არ ასრულებს თავის ფუნქციას;
- ასევე, მოვინიშნეთ საკვანძო ლოკაციები, რომლებიც საჭიროებს დამატებით ადაპტირებას: ტაქტილურს ბილიკებს, დამატებით ხმოვან შუქნიშნებს, ალქმად ფიგურებს სამოძრაო ზოლებს შორის და ა.შ.
- ოფიციალური წერილით მივმართე თბილისის მერიას და ტრანსპორტისა და ურბანული განვითარების სააგენტოს, გავუგზავნე დასურათებული დოკუმენტაცია;



სამუშაო შეხვედრა ექსპერტთან საგზაო უსაფრთხოებასთან დაკავშირებით



- 31 მაისს თბილისის საკრებულოში სამუშაო ფორმატში შეეხვედით „ტრანსპორტისა და გზების ასოციაციის“ თავმჯდომარეს, დავით მესხიშვილს;

განვიხილეთ:

- ბავშვთა და მოზარდთა საგზაო უსაფრთხოება;
- თბილისის სატრანსპორტო პოლიტიკა;
- საგანმანათლებლო სივრცეების უსაფრთხოების ევროპულ სტანდარტებთან დაახლოების საკითხები.



1-ელი ივნისი - ბავშვთა დაცვის დღე

- 1 ივნისს, ბავშვთა დაცვის დღეს, სიღარიბის ზღვარს მყოფი ბავშვები მოვინახულეთ და მათ მეურვეებს შუამდგომლობა გავუწიეთ უსაფრთხო საცხოვრებლის უზრუნველსაყოფად.



კონრად ადენაუერის ფონდის პოლიტიკური განათლების აკადემია



- 8 ივლისს კონრად ადენაუერის ფონდის პოლიტიკური განათლების აკადემიის სტუდენტებთან ურბანული დაგეგმარების კომისიის თავმჯდომარესთან, რევაზ სოხაძესთან ერთად, ჩავატარე შეხვედრა სტუდენტებთან.

- განვიხილეთ მუნიციპალური საკითხები, ბიუჯეტის ფორმირება, პოლიტიკური მონაწილეობა, საბიუჯეტო ხარჯვა და ადგილობრივი თვითმმართველობის საკითხები.



ახალგაზრდა ქალთა პოლიტიკური აკადემია

- 5-9 დეკემბერს დემოკრატიული ინსტიტუტებისა და ადამიანის უფლებათა ოფისის (ODIHR) მიერ ორგანიზებული აკადემია, რომლის ფარგლებშიც განვიხილეთ პოლიტიკაში ქალთა აქტიური მონაწილეობის ხელშეწყობის, გადაწყვეტილების მიღების, გენდერული თანასწორობის საკითხები.



რეგიონალური ფორუმი ქალთა პოლიტიკურ მონაწილეობაზე

24 მაისს UNDP Georgia ორგანიზებით გაიმართა რეგიონალური ფორუმი

- ფორუმი მხარდაჭერილი იყო ნორვეგიისა და შვედეთის ელჩების მიერ;
- შეხვედრაზე განვიხილეთ ქართულ პოლიტიკურ სივრცეში ქალების მონაწილეობის ძირითად გამოწვევები და პერსპექტივები, როგორც პარტიული და პროფესიული ქრილიდან.
- სხდომაზე მიწვეული ვიყავი როგორც საკრებულოს წევრი, ვისაუბრე ქალთა გაძლიერების და პოლიტიკაში ჩართულობის გზებზე.



მხარდაჭერა უკრაინას და უკრაინელ მოქალაქეებს

- ომის პირველივე დღიდან უდიდეს მხარდაჭერას ვუცხადებ უკრაინას და უკრაინელ მოქალაქეებს;
- მერიის შესაბამის სამსახურებთან თანამშრომლობით ვშუამდგომლობდი უკრაინელი ლტოლვილების განთავსების საკითხებს;
- 17 ივლისს შევხვდი უკრაინელ ლტოლვილებს და მთავრობას მოვუწოდე გამონახოს სარეზერვო ფონდში თანხა, რათა მათ გაუხანგრძლივდეთ საცხოვრებლის დაფინანსება.

